



Nukilan:
Noraisah Nurul Fatwa Mohd Razali
Guru Bahasa Kanan
Pusat Bahasa Moden (PBM)
Universiti Malaysia Pahang Al-Sultan Abdullah (UMPSA)



Karya Kreatif

Sepuluh Terakhir

Sepuluh malam terakhir ini,
langit seperti lebih dekat ke bumi,
angin berbisik dengan tasbih sunyi,
dan hati mencari cahaya yang tersembunyi.

Di hamparan sejadah yang setia,
air mata gugur tanpa suara,
antara takut dan harap yang menyala,
antara dosa lalu dan ampunan-Nya.

Malam-malamnya berbalut rahsia,
mungkin di celahnya lailatulqadar menanti,
lebih baik dari seribu bulan usia,
menyentuh jiwa yang ingin kembali.

Lampu dunia kian dipadam,
nafsu ditundukkan perlahan-lahan,
yang tinggal hanya doa terpendam,
dan rindu pada Tuhan yang Maha Pengampun.

Ya Ramadan, jangan cepat berlalu,
biar sepuluh ini menjadi saksi,
bahawa kami pernah bersujud pilu,
memohon hati yang lebih suci.

Jika ini Ramadan terakhirku,
terimalah taubat yang tak sempurna,
jadikan aku hamba yang tahu
erti reda dalam cahaya-Mu yang abadi.



Kejuruteraan • Teknologi • Kreativiti

Study@UMPSA

[Creative Work](#)

Sepuluh Terakhir

6 March 2026

- 31 views

[View PDF](#)